

**“МОНГОЛЫН ТӨМӨР ЗАМ” ТӨХК-ИЙН
ТӨЛӨӨЛӨН УДИРДАХ ЗӨВЛӨЛИЙН
ХУРЛЫН ТЭМДЭГЛЭЛЭЭС**

2013 оны 10 дугаар
сарын 23-ны өдөр

Дугаар 10

Улаанбаатар хот

“Монголын төмөр зам” ТӨХК-ийн Төлөөлөн Удирдах Зөвлөлийн 2013 оны 10 дугаар сарын ээлжит бус хурлын тэмдэглэлд:

“ХЭЛЭЛЦСЭН нь:

1. “Шинэ төмөр зам” төслийн хүрээнд баригдаж буй Ухаахудаг-Гашуунсухайт чиглэлийн суурь бүтцийг БНХАУ-ын суурь бүтэцтэй холбох төмөр замын ажил болон холбогдох хөрөнгө оруулалтын асуудлаар БНХАУ-ын “Шенхуа групп корпораци” ба түүний төлөөлөл бүхий түншлэлтэй тус тус “Харилцан ойлголцлын санамж бичиг” байгуулах талаар.

ШИЙДВЭРЛЭСЭН нь:

1. “Монголын төмөр зам” ТӨХК нь Ухаахудаг-Гашуунсухайт чиглэлийн төмөр замын барилгын ажлын явцад дараах зохион байгуулалтын арга хэмжээг авч хэрэгжүүлэхийг дэмжиж байна. Үүнд:

а. Одоо барьж буй Ухаахудаг-Гашуунсухайт чиглэлийн төмөр замын суурь бүтцийг Гашуунсухайт өртөөтэй холбох төмөр замын суурь бүтэц болон уг өртөө, түүний суурь бүтцийг барих, хөрөнгө оруулалтын асуудлаар БНХАУ-ын Ганцмод боомтын төмөр замын суурь бүтэц эзэмшигч “Шенхуа групп корпораци”-тай хамтран ажиллах;

б. Монгол Улсын Гашуунсухайт хилийн боомтын өртөөг БНХАУ-ын Ганцмод хилийн боомттой холбосон ачаа тээврийн төмөр зам (“Боомтын төмөр зам”) барих асуудлаар “Эрдэнэс Тавантолгой” ХК, “Тавантолгой” ХК, “Энержи Ресурс” ХХК болон “Шенхуа групп корпораци”-ийн түншлэлтэй хамтран ажиллах;

2. Дээрх хамтын ажиллагааны хүрээнд БНХАУ-ын “Шенхуа групп корпораци” болон түүний төлөөлөл бүхий дотоодын аж ахуйн нэгжийн хамтарсан түншлэлтэй тус тус “Харилцан ойлголцлын санамж бичиг” байгуулах замаар холбогдох хууль тогтоомжийн хүрээнд хамтын ажиллагааг өргөжүүлж ажиллах, хамтын ажиллагааны үр дүнг Төлөөлөн Удирдах Зөвлөлд тухай бүр танилцуулж ажиллахыг “Монголын төмөр зам” ТӨХК-ийн Гүйцэтгэх захирал П.Бат-Эрдэнэд даалгав” гэжээ.

ТӨЛӨӨЛӨН УДИРДАХ ЗӨВЛӨЛИЙН ДАРГА

Б.БАТЗАЯА



**“МОНГОЛЫН ТӨМӨР ЗАМ” ТӨХК-ИЙН
ТӨЛӨӨЛӨН УДИРДАХ ЗӨВЛӨЛИЙН
ХУРЛЫН ТЭМДЭГЛЭЛЭЭС**

2013 оны 10 дугаар
сарын 20-ны өдөр

Дугаар //

Улаанбаатар хот

“Монголын төмөр зам” ТӨХК-ийн Төлөөлөн Удирдах Зөвлөлийн 2013 оны 10 дугаар сарын ээлжит бус хурлын тэмдэглэлд:

ХЭЛЭЛЦСЭН нь:

1. “Монголын төмөр зам” ТӨХК болон “Тяньжин группийн эдийн засаг, техник технологийн хамтын ажиллагаа” ХХК хооронд БНХАУ-ын Тяньжин хотын Дуньзяны гаалийн баталгаат боомт бүсэд хэрэгжүүлэх тээвэр ложистикийн төслийн “Техник эдийн засгийн үндэслэл” боловсруулах зардлыг урьдчилан төлөх гэрээ байгуулах тухай.

ШИЙДВЭРЛЭСЭН нь:

“1. “БНХАУ-ын Тяньжин хотын Дуньзяны гаалийн баталгаат боомт бүсэд хэрэгжүүлэх тээвэр ложистикийн төслийг цаг алдалгүй хэрэгжүүлэх зорилгоор төслийн техник эдийн засгийн үндэслэл боловсруулах ажлын санхүүжилтийг Хятадын талаас урьдчилан гаргуулж, төслийн ажлыг эхлүүлэхийг дэмжиж байна.

2. Хятадын талаас урьдчилан төлөх санхүүжилтийг Талуудын байгуулах хамтарсан компанийн хөрөнгө оруулалтад тооцох, үүнтэй холбоотой үүсэх харилцааг зохицуулах талуудын хооронд тусгайлсан гэрээ байгуулж, ажлын явц, гүйцэтгэлийн талаар тухай бүр Төлөөлөн Удирдах Зөвлөлд танилцуулж ажиллахыг “Монголын төмөр зам” ТӨХК-ийн Гүйцэтгэх захирал П.Бат-Эрдэнэд даалгав” гэжээ.

ТӨЛӨӨЛӨН УДИРДАХ ЗӨВЛӨЛИЙН ДАРГА



Б.БАТЗАЯА